

Ո Ր Ո Շ ՈՒ Մ N 94/6

/Վարչական գործի վարույթը կարճելու մասին/

«11» ապրիլի 2019թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս, քննելով Վարդան Մուրադյանի /անձն. FJ847892, քաղաքացիություն՝ Ուկրաինայի Հանրապետության, հասցե՝ ք. Խարկով, Շտուրմովայա 7/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Ուկրաինայի քաղաքացի Վարդան Մուրադյանի անվամբ 27.09.2018 թվականի թիվ 05100033/270918/0000276693 մաքսային մուտքի օրդերով «Ժամանակավոր ներմուծում» մաքսային ընթացակարգով 29 օր ժամկետով ՀՀ տարածք է ներմուծվել LEXUS մակնիշի, KPH152 պետհամարանիշի, 2000 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը երկարաձգվել է մինչև 06.03.2019 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի մաքսային տեսուչ-իրավաբանի կողմից 11.03.2019 թվականին Վարդան Մուրադյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկատվություն ստանալու նպատակով: Պատասխան գրությունից պարզվել է, որ LEXUS մակնիշի, KPH152 պետհամարանիշի, 2000 թվականի արտադրության տրանսպորտային միջոցը 27.09.2018 թվականին Բազրատաշենի մաքսային կետ-բաժնով ներմուծվել է ՀՀ, սակայն հետագա արտահանման պարտավորությունը չի կատարվել:

Նշանակվել է գործի քննություն 11.04.2019 թվականին ժամը 16:00-ին, վերջինիս կողմից ՄՄՕ-ն լրացնելու ժամանակ հայտնաձև հասցեով ուղարկվել է ծանուցագիր:

Գործի քննության շրջանակներում 13.03.2019թ. թիվ Ն/22-4.1/10013-2019 գրությամբ հարցում է կատարվել ՀՀ ՊԵԿ մաքսատուն-վարչություններ Վարդան Մուրադյանի /անձն.FJ847892/ կողմից 27.09.2018թ. թիվ 05100033/270918/0000276693 ՄՄՕ-ով ներմուծված LEXUS մակնիշի /vin JTDBS182500010120/, KPH152 պետհամարանիշի, 2000 թվականի արտադրության տրանսպորտային միջոցը այլ ընթացակարգով ձևակերպվելու վերաբերյալ:

Պատասխան գրությամբ հայտնել են, որ Վարդան Մուրադյանի /անձն.FJ847892/ կողմից 27.09.2018թ. թիվ 05100033/270918/0000276693 ՄՄՕ-ով ներմուծված LEXUS մակնիշի /vin JTDBS182500010120/, KPH152 պետհամարանիշի, 2000 թվականի արտադրության տրանսպորտային միջոցը 08.11.2018թ. թիվ 05100010/081118/0000300361 մաքսային մուտքի օրդերով ձևակերպվել է <<Ներքին սպառման համար բացթողում>> մաքսային ընթացակարգով:

ՀՀ ՊԵԿ Ներքին անվտանգության վարչություն կոմից տրամադրված տեղեկատվության համաձայն, վերոհիշյալ անձը գտնվում էր ՀՀ սահմաններից դուրս, ուստի ՀՀ ՄՕ 219 հոդվածի 2-րդ մասի ուժով սույն վարչական գործը քննվում է վերջինիս բացակայությամբ:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ

հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

<<Վարչարարության հիմունքների և վարչական վարույթի մասին>> ՀՀ օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

Սույն դեպքով Վարդան Մուրադյանի անվամբ 27.09.2018 թվականի թիվ 05100033/270918/0000276693 մաքսային մուտքի օրդերով ՀՀ ներմուծված LEXUS մակնիշի, KPH152 պետհամարանիշի, 2000 թվականի արտադրության տրանսպորտային միջոց: Նշված տրանսպորտային միջոցը սահմանված կարգով ձևակերպվել է <<Բացթողում ներքին սպառման համար>> մաքսային ընթացակարգով:

Ելնելով վերոգրյալից և ղեկավարվելով ՎԻՎ ՀՀ օր-ի 247-րդ հոդ-ի 1-ին մասով, ՀՀ մաքսային օրենսգրքի 221 հոդվածի 1-ին կետի «բ» ենթակետով՝

Ո Ր Ո Շ Ե Ց Ի

1. Վարդան Մուրադյանի նկատմամբ հարուցված վարչական գործի վարույթը կարճել՝ իրավախախտման կազմի բացակայության պատճառաբանությամբ:
2. Որոշման մասին հայտնել Վարդան Մուրադյանին:

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ